



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hiervsalem Nova

Mosham, Ruprecht von

[Köln], 1540

VD16 M 6428

Der Dritt staffel.

urn:nbn:de:hbz:466:1-36780

HIERVSALEM NOVA.

Gones nicht hat verschonet/sonnder hat jne für vns alle dabin gegeben: wie solt er vns mit jme nicht alle ding schencken: Wer will die aufferwelten Gottes beschuldigen: Got ist hie der da gerecht macht/wer will verdammen: Christus ist hie der gestorben ist: ja vill mehr der auch aufferweckt ist/welcher ist zur rechten Gottes/vnd vertritt vns. Wer will vns schayden von der liebe Gottes: Trübsal: oder angst: oder verfolgung: oder hunger: oder blöße: oder gefärligkait: oder schwert: Wie geschriben stebet/ Vmb deinet willen werden wir getödtet den gantzen tag/wir sind geachtet für schlachtschaff. Aber in dem allem vberwinden wir weyt/ vmb des wilens der vns geliebet hat/ Dann ich bin gewiß/das weder todt noch lebes / weder enngel noch fürstenehumb/ noch gewalt/weder gegenwertigs noch zukunfftigs/weder hoches noch tieffes / noch kain anndere Creatur mag vnns schayden von der liebe Gottes/welche ist in Christo Jesu vnserm herren. Wen solt oder wolt dysse göeltliche Possamen des heyligē Apostels nicht zu gewaltiger/würcklicher lieb raytzen vnd bewegen: der annders recht vnd warhafftiglich glaubet.

¶ Der Dutz staffel.

¶ Der dutz Staffel/grad vnd probstain/dadurch

Das neww Hierusalem /

wir vnnsern glauben proben vnd prüfen / ist die nach-
uolg Christi leer vnd leben / Dann wie Christus gele-
ret / also hat er auch gelebt / vnd nicht weniger mit sei-
nem leben mit der that vnd mit den wercken / als mit
seiner leer vnd mit seinem wort vns vnterweisen / vnd
wie wir leben solten gelectet / Daber setze vnd leere ich
in dem dritten Bäch von der nachuolg Christi / wie wir
in viererlay weis Christo sollen nachkommen vnd nach-
uolgen / Nemlich in seiner gebäre / in seinem leben / in
seinem leyden / vnd in seinem sterben / damit wir dem
ebenbildt Christi gleichformig / vnd nach seinem exem-
pel vnd fürbilde : wie er geborn / also widergeboren wer-
den / also auch leben / leyden vnd sterben / Wie er gelebt / ge-
litten vnd gestorben ist / damit wir dem erstgeborenen der
lebendigen vnd der todten gleich vnd ännlich werden.

¶ Zu dyser ernstlichen prob vnd prüfung vnnsers
glaubens / ist auch nie mehr / dann des ainigen ain / des
höchsten haubtgrundes vnd Fundamentes von nöten /
Nemlich das wir allain rechte vnd beständiglich glau-
ben / dann glauben wir / so werden wir durch das wort
vnd durch den glauben widergeboren / zu ainem geystli-
chen menschen / der nach der bildenus gottes vnd Christi
Jesu gemacht vnd beschaffen ist / Dyse gödeliche bilde

HIERSALEM NOVA.

nus aber/kan vnd soll nicht anders leben/ leyden vnd
sterben/ dann wie Christus gelebt/ gelitten vnd gestor-
ben ist/ wie dann vnser herr vnd heylannde selbs zeu-
get/ schafft vnd gebeut/ damit wir inie sollen nachuol-
gen/ sprechende Luce am ix. Will mir yemand nachuol-
gen/ der verlaugne sich selbs/ vnd neme sein creutz auff
sich täglich: vnd folge mir / Vnd Math. am x. Wer
nicht sein creutz auff sich nimbt/ vnd folget mir nach/
der ist mein nit würdig/ Vnd Luce am xiiij. Wer nicht
cregt sein Creutz / vnd folget mir nach / der kan mein
Junger nicht sein.

¶ Darumb wilt du deines glaubens ain rechte/ bes-
ständige prob vnd prüfung haben vnd erfahren/ Das
neben auch gegen Got/ gegen deinem nächsten/ vnd ge-
gen dir selbs rechte thün/ aufrichtig/ redlich handeln vñ
wandlen/ Got vnd den menschen gefallen vnd ange-
näm sein / Mächtig/ gerecht vnd gotselig leben in dyser
welle/ armüt vnd elennd leyden/ schmerzgen/ tode vnd
marter/ vnd alles das dem menschen sarwers vnd wid-
wertigs in dysen zergemnglichen/ elenden leben mag zū-
stecken vnd vnter augen stossen/ mit vnerschöcknem/ be-
ständigem gemüt vnd hertzen/ als ein Ehrlicher So-
crates leyden/ tragen vnd vberwinden/ So volg allain

Das neww Hierusalem/

der leer vnd dem leben Christi Jesu/ als dem aller höch-
sten/vollkomnestem exempel vnnnd bilde aller tugent/
aller seligkeit/vnd aller volkoyenbait. Volgen kanstu
aber nimmer/nur allain du erkennest zuuor Got vnd dich
selber/vnd glaubst das Got ist die aller höchst allmäch-
tigkeit/gerechtigkeit/warhait vnnnd barmhertzigkeit/
das höchst/edlest/teürest güt/das deinet halbe vnd von
deiner sünde wegen/mensch worden/geliten vnd gestor-
ben/Wo du solches alles glaubst/so fürchtestu Got/er-
schrickest ob deinen sünden/sabest an got zulieben/Lieb-
best du: so volgstu / volgst du: so gebest du gerad eben den
weg vnd durch die thür/dadurch Christus gegangen ist/
Gehest du durch die thür vnnnd den weg Christi fort/vnd
beharrest also darinnen/So kombstu eben da Christus
hin komen ist/sitzennnd zur rechten Gottes seines hymli-
schen vatters/zu den ewigen freuden/vnnnd vnzergerung-
liche leben/vnd hebst hie an in deines glaubens hoffnüg
heilig / selig vnnnd vollkommen zusein / vnnnd bleibest also
ewiglich.

¶ Volgest du aber dyssem gödelichen ebenbilde vnnnd
exempel Christi leer vnnnd leben nie nach/so fählet es al-
les an nichte/allain an dem/das du nicht glaubest/das
dyses der weg aller tugent/aller seligkeit vnd vollkommen

HIERVSALEM. NOVA.

weyde sey / Dann wo du es glaubest / so folgstu gewislich
vnd ungeweyfflet / Dann wer folge nicht dem / das er
glaube jme nutz vnd güte sein : dadurch er verhofft zu
geheilich / selig vnd volkomen zu werden :

¶ Das sey nun von der nachuolg / darinnen wir vn-
ser manhayt vnd männliche alleer vnser glaubens
oben / proben vnd prüfen sollen (als zu einem kirtzen be-
richt) dyzmal genüg / Dann an seiner ordenlicher stell
mag man dauon mehrers lesen vnd vernemen.

¶ Der Vierde staffel.

¶ Nun folge hernach der vierde Scffel vnd prob-
stain / dadurch wir bey vns selbs gewar werden / vnd vns
erinnern / das wir rechte krefftiglich vnd beständiglich
glauben / Nemlich der trost vnd die hoffnung / als das
volkomen alleer vnser glaubens vnd Religion / da-
durch wir allzeit / in aller angst vnd not / leyden vnd
schmertzen / tode vnd marter / wol vnd beständiglich ge-
tröst sein.

¶ Dyrer hoffentlicher trost / ist aller tugent vnd
goteseligkeit höchster lohn vnd kron auff erden / Dann
dyweil alle die goteseliglich leben wollen : veruolzung lei-
den müssen / vnd durch vill betrübnuß vnd creutz einge-